



Okhwa ni ovinya wa Apwiya Yeesu



(Baseado nas passagens bíblicas:
Lucas 23.33-46 e 24.1-10)

SIM
C.P. 265
Lichinga, Niassa, Moçambique



Ohiyu wa nihiku naneesheshe, aaphariwa Yeesu.
Athorihiwa.Aavahiwa wi akhwe.

Waari wooshishelo wa nihiku na neethanu. Anakhoco yaamukeriha Yeesu nipuro na “Ikarakasa.” Weiwe yaamukhomela va mwiikimanyo. Anakhoco yaamuthomeya Yeesu. Yeesu aari vamoha ni anawiiye eeli.

Yeesu aahi: “Paapa mwaakhurumuwele achu ala!
Muhuupuwele yoonanara aya! Hasuwenle yoonanara yeeyo
aneeraaya.”

Anakhoco yaakawana soowara sa Yeesu. Yeeheryela ehako ekuwo awe.

Asitokweene a Isarayeli yaanamutheya Yeesu. Yaawo yii:
“Owo aavulusha achu akina. Vano iivilushe meekhaiye.”

Va mwiikimanyo, yaakhalavo yoorepela. Yaari osulu va muru wa Yeesu. Yoorepela yeele yii: “Ola mwene a aYuuta.”

Nawiye mmoha aamuruwana Yeesu. Ii: “Tahi yoowe Muluku aahaaleiye omurumiha? Vano wiivilushe meekhaa. Onivilushe hiyo tho!”

Nawiye mukina aamusamela mukhwaiye: “Omaale! Ola

ekoyi awe enamulikana ni yawaa. Hiyo nnoonela ekoyi yoonanara nenraahu. Nto vaiye heenreru yoonanara.”

Yoola aahi wa Yeesu: “Yeesu mukuupuwele miyo mwavolowa mu omwene anyu.”

Yeesu aamwaakhula: “Olelo vaava onii okhale ni miyo mParatayisu.”

Yaari ewora yaneeraru ya oshekuwa. Yeesu aakhuwela vatokotoko: “Nyuwo Paapa, mmatatani mwanyu kinnaveleela munepa aka.”

Alonceiye hiiha, yoowo aakhwa.

Waavithiwa muruchu wa Yeesu munihiyeni. Nihiyen naawaliwa ni nluku ntokotoko. Yaavira mahiku meeli neethanu ni nawoorowa.

Waasha nihiku namurunku. Athiyana yaaya onihiyeni.



Yaawo yaakusha sa wunkhela. Yaaphiya va nihiyeni. Yaaphwanya nluku niveihewe vamilako. Muruchu wa Yeesu hiwaarimo munihiyeni.

Athiyana yaahalela yawera. Alopwana eeli yaarwa wa Yaawo. Alopwana yaale soowara saya saari sawaarya.

Athiyana yaasareya woova. Yaawo yaakokhora. Alopwana yaahi: “Munamwavyeryani Yeesu wa achu ookhwa.

Yoowo mukumi. Nno haawowo. Oovinya wookhwani. Murwe moonemo. Nkuupuwelani. Yoowo aahooleelaani nyuwo: ‘Onakhweleya wi miyo kaakhwele achu oocheka.’ Waakhweleya wi Yeesu athomeiwe. Muluku akhwela omuviiha yoowo wookhwani.”

Athiyana yaahuupuwela masu a Yeesu. Yaawo yaahaaleela soothene arummwa khumi nammoha. Yaahaaleela tho akina oothene. Oothene yaatikhina.

Muthanle yooloca yeeparipari:

- Yeesu iiphiwe veeri wa anawiiye eeli.
- Muhooleli a anakhoco aakusha soowara sa Yeesu akhooca waakawela akhwaiye.
- Nawiiye mmoha aamuruwana Yeesu, mukina aamusamela mukhwaiye.
- Muluku amuvaha okumi Yeesu (amuviiha) nihiku na neeraru.

Sookoha:

1. Nihiye tisheeni?
2. Ovinya wookhwani ontaphulelani?
3. Ntakhara sheeni yaatikhinaaya?
4. Weyo onnaroromela wi Yeesu ovinya wookhwani?

Ficha Técnica

Título: Okhwa ni ovinya wa Apwiya Yeesu
(A Morte e a Ressurreição do Senhor Jesus)
(The Death and Resurrection of Jesus)

Língua: Elomwe

Ilustrações: Art of Reading 2.0

Primeira edição electrónica, 2010

Produzido por: SIM
lidemo.net@gmail.com

C.P. 652

Nampula, Nampula

Moçambique

O utilizador pode copiar e distribuir a obra

